

Utilities Aruba NV a haya motibo urgente pa retira Frank Hoevertsz for di puesto di Director

ORANJESTAD (AAN): Algo serio a socede cu asuntonan den Utilities Aruba NV, te cu esaki a desemboca den un reunion urgente, unda na final a tuma decision pa retira nan Director.

Un boletin oficial ta muestra cu recientemente e Hunta di Comisario di

Utilities Aruba N.V. a laga eherce un investigacion door di un Register Accountant riba e maneho cu a ser hiba pa Utilities Aruba N.V. pa e periodo di 2010 to cu 2017. For di e investigacion aki a resulta un kiebro irreparable di confianza, di ambos e Hunta di Comisario y e ac-



cionista, den e director.

Den cuadro di esaki a tuma lugar awe, 8 di januari 2019, un reunion extraordinario di e Hunta di Accionista unda cu e director tambe tabata presente.

Despues di a scucha e director, e Hunta di Accionista a dicidi di kita di inmediato e director, sr.

Franklin A. Hoevertsz, for di su posicion como director statutorio.

Alabes e Hunta di Comisario a nombra sr Richard Eman su persona como esun temporalmente encarga cu e maneho di Utilities Aruba N.V., esaki di acuerdo cu e statutonan di Utilities Aruba N.V.